



# ВЫЛЬ СІЗЕН



ОТДЕЛ  
РЕЛИГИОЗНОГО  
ОБРАЗОВАНИЯ

## ПЕТР АПОСТОЛЛЭН ЫСТЭМ КЫКЕТӢ ГОЖТЭТЭЗ

### 1-тӢ ЛЮКЕТ

<sup>1</sup>Иисус Христослэн ляльчиез но апостолэз Симон Петр, милемын валче Инмармылэн, Утисьмылэн Иисус Христослэн шонерлыкезъя, дунолыко осконэз огкадь кабыл басьтӣсьёслы: <sup>2</sup>Инмарез но асьмелэсь Кузё-Инмармес Иисус Христосэз то- донын дэлет но каньыллык тӣ пӧлын мед йылоз.

<sup>3</sup>Солэн Инмар кужымез асьмелы улыны но Ин- марлы ярамон луыса возиськыны, данлыкен но зечлыкен Ӧтисез тодон пыр ваньзэ сӣтӣз. <sup>4</sup>Соос пыр Со асьмелы туж бадзӣymesь но дуноесь сӣ- зӣньӣс сӣтӣз. Мугорлэн юрзӣым кулэ каронӣёсыныз сӣрен дунне вылын улӣсь сӣриськонлэсь палӣнс- кыса, со сӣзиськонӣӣс пыр тӣ мед быгато- ды Ин- мар улонлэн\* люкет басьтӣсьёсыз луыны. <sup>5</sup>Соку та вӧзы вань тыршондэс ватсаса, асьтӣлэн оско- нады зеч уждэс возматэ, зеч ужады – тодон-ва- лан, <sup>6</sup>тодон-валанады – возиськон-утиськон, во- зиськон-утиськонады – чидан, чиданады – Инмар- лэсь кышкаса улон, <sup>7</sup>Инмарлэсь кышкаса улонын – агай-выньӣсты гажан, агай-выньӣсты гажанын – яратон. <sup>8</sup>Ваньмыз таос тӣ пушкын вань но соос эшшо йыло на ке, соку асьмелэсь Кузё-Инмармес

---

\* 1:4 Божеское естество (натура, природа).

Иисус Христосэз тодонын тй берекеттэк, емышь-  
ёстэк уд кыле. <sup>9</sup>Нош кин ке пушкын таос өвөл ке,  
со синтэм; со синзэ ворсаз но азьвыл сьöлыкь-  
ёсызлэсь сузяськон сярысь вунэтйз. <sup>10</sup>Соин ик,  
агай-выньёсы, тй өтемын, быръемын бере, тй  
золгес но золгес сое юнматыны тырше: озьы лэсь-  
тйды ке, ноку но уд канжаське. <sup>11</sup>Соку асьмелэн  
Кузё-Инмармылэн, Утисьмылэн Иисус Христос-  
лэн пумтэм вапумьёсысь Эксэйлыказ тйледлы  
эркын пырон усьтйськоз.

<sup>12</sup>Та сярысь мон тйледлы ялан тодады вайыты-  
са уло, тй со сярысь тодйськоды, зэмос зэмлыкын  
но тй юнматэмын ке но. <sup>13</sup>Та мугорылэн корказ  
улытозям, тодэ вайытыса тйледыз жутканэз шо-  
нер шуыса лыдьясько. <sup>14</sup>Та коркаме жоген кельто  
ни шуыса тодйсько, уго асьмелэн Кузё-Инмармы  
Иисус Христос мыным сое усьтйз. <sup>15</sup>Мон тыршо  
кулэм берам но тй та сярысь ялан тодады мед  
ваёды шуыса.

<sup>16</sup>Уго асьмелэн Кузё-Инмармылэсь Иисус Хрис-  
тослэсь кужымзэ, Солэсь лыктонзэ кескичлыко  
өвöлтэм мадёнъёсты кылзйськыса өм, Солэсь  
быдзымлыксэ ми асьмеос адзимы но тйледлы  
тодытймы. <sup>17</sup>Со уго Инмар Атайлэсь сй-санзэ, дан-  
зэ басьтйз, куке туж быдзым данлыкен пиштыса  
улон дорысь Со доры таёе куара вуиз: "Та Мынам  
яратоно Пие, Со бордын Мынам зеч эрике". <sup>18</sup>Соин  
ёш святой гурезьын луон дыръямы, Инмысь  
вуэм та куараез ми кылймы. <sup>19</sup>Азьпалзэ тодытыса  
веран но асьмелы возиськон понна юн пыкьет  
луэ. Тй умой лэсьтйськоды: нунал зардыны

кутскытозь, сюлмады чук кизили жужатозь, пей-мыт азын пиштйсь югыт сётйсь лампада дорын кадь со бордын возиськыса. <sup>20</sup>Нырысь ик тодэ: Священной Гожтэмысь нокудзэ но азыпалзэ тодытыса веранэз ас визьмыныд шонер валэктэмед уз луы. <sup>21</sup>Уго ноку но азыпалзэ тодытыса веран адымилэн ас мылкыд каремезья верамын ой вал, – сое Святой Дух пыр вырзйтэм Инмарлэн дунчылкыт адымиосыз веразы.

## 2-тй ЛЮКЕТ

<sup>1</sup>Калык пöлын öрекчи пророкёс но вал, кызы тй пöлын но öрекчи дышетйсьёс луозы ай. Соос быронэ нуись осконэз тугась-пожась дышетоньёсты лушкемен пыртозы но соосты мозмытйсь Кузё-Инмарлэсь куштйськозы, озьы соос асьсэлы асьсэос жог бырон шедьтозы. <sup>2</sup>Тросэз соослэн сörиськем сюрес вылазы султозы, соосын сэрен зэмлыклэсь сюрессэ сантэмалозы. <sup>3</sup>Асьсэлы узырлык люкан понна кескич кыльёсын вераськыса тйледыз сьöлтэтазы кутылозы. Соослы суд кемалась дась ини, бырон часы но умме усьыса уг улы.

<sup>4</sup>Сьöлык лэсьтэм кылчиньёсты Инмар öз жаля, адлэн пеймыт гуаз куштйз, суд нуналозьлы возьмасьёс ки улэ сөтйз. <sup>5</sup>Вашкала дуннелэсь муртьёссэ Со öз жаля, нош тямьс лүльёсын чöш шонерлыкес тодытйсь Ноез но солэсь семьязэ утиз, кукес сьöлыклэсь кышкамтэослэн дуннезы вылэ ву

нюртон лэзиз. <sup>6</sup>Азьланьысь съöлыклэсь кышкась-тэмьёс понна мар луонэз возьматыса, Содом но Гоморра карьёсты быдтыны судить кариз, пеньлы пörмытйз. <sup>7</sup>Нош законлы пумит ортчйт азысакалгыса улйсь адямиос пöлын улыса жадем шонер улйсь Лотэз мозмытйз. <sup>8</sup>Уго та шонер улйсь, соос пöлын улыса, соослэсь законлы пумит ужьёссэс адзйса, кылыса, аслаз шонерлыко лулыныз-сюлмыныз нуналлы быдэ курадзиз.

<sup>9</sup>Кузё-Инмар Ачиз тодэ кызы чылкыт сюлэмо, оскыса улйсьёсты визь сынаськонлэсь мозмытыны, нош законлы пумит улйсьёсты – вöсь карон понна суд нуналозь пытсэтын возыны, – <sup>10</sup>уката ик соосты, киньёс мугорзылэн юрзым куроньёсылы сётйськыса уло, кузёе пуктэмьёсты адземпотостэм каро, возытэз уг валало, ас тодэмзыя лэсьто, вылйос сярысь урод кыльёс вераны уг кышкало. <sup>11</sup>Та виын ик, кылчиньёс юнлыкенызы, кужмынызы соослэсь вылйын ке но, Кузё-Инмар азын соос вылэ сантэмась кыльёс соос уг верало. <sup>12</sup>Та адямиос валасьтэм пудо-живот выллемесь, кудьёсыз кутыса быдтон понна вордскемын. Мае уг тодо, со сярысь урод кыльёс верало. Азыса-саптаськыса улэмзы понна, соос быдтэмын луозы но бырозы. <sup>13</sup>Законлы пумит улэмзы понна, соослы пунэм берыктйськоз. Уго соос нуналлы быдэ эзылыса, майбыр улонэз утчало. Возыттэмьёс, дунне саптасьёс, öрекчаськыса соос эзылон басьто, тйледын огазын сиё-юо. <sup>14</sup>Азыса-калгыса улйсьёс шоры соослэн синьёссы мылькиськемын, дугдытэк съöлыкало. Быдэ вуымтэ лутьёсты соос

либатыса пöяло. Сюлэмзы азыса-калгыса улонлы дышемьын. Соос – каргам нылпиос. <sup>15</sup>Шонер сюресысь кожыса, соос йыромизы но Восорлэн Валаам пиезлэн пыты куяз кошкызы, кудйз шонертэм ужысь барыш басытонэз яратйз. <sup>16</sup>Но со, законлы пумит уж лэсьтыкуз, шарае поттэмын вал: вераськисьтэм ишак, адями кылын вазыса, пророклэсь укылтэм уж лэсьтонзэ дугдытйз.

<sup>17</sup>Та – вутэм ошмесъёс, сйльтöллэн кужмысь нуоно пилемъёсыз, – соослы пумтэм вапумъёс ёшелы тём пеймыт инты дасямын. <sup>18</sup>Уго соос öрекчи кыльёсын азон-калгон сьöлыке, жоб улонэ кыско соосты, кинъёс йыромыса улйсьёс пöлысь мырдэм гинэ палэнскизы вал. <sup>19</sup>Асьсэос быронэ нуись улонлэн ляльчиосыз луыса вылысь, соослы эрик сётөм шуо. Уго кин маин вормемьын, со солы ик ляльчи. <sup>20</sup>Кузё-Инмармес, Утисьмес Иисус Христосэз тодэм беразы, та дуннелэн юрзым ужъёсызлэсь палэнско ке, нош собере выльысь соос пöлы сьöлтасько но пограло ке, соку нырысетйез сярысь, берпуметйез сьöлыксы эшшо уродгес луэ. <sup>21</sup>Соослы сётэм святой курон-косонлэсь куштйськыса берен со ужазы ик кошкытозь, зэмлыклэсь сюрессэ öй ке тодысалзы, соослы умойгес луысал. <sup>22</sup>Нош соосын пöрмиз озыы, кызыы пычкылыса веранын шуэмын:

”Пуны аслаз öскем дораз берытскиз”,\*

”Миськем парсь дэрие погылляськыны мынэ”.

\* 2:22 Притч. 26:11.

## 3-тй ЛЮКЕТ

<sup>1</sup>Тйледлы, гажаноосы, кыкетй гожтэтме гожтйсь-ко ини. Соос пыр тодады вайытйсько но чылкыт малпанъестэс бугыртйсько: <sup>2</sup>тодады мед ваёды святой пророкъёслэсь азьвыл верам кыльёссэс но апостольёсты пыр тйледлы сётйськем Кузё-Инмармылэсь, Утисьмылэсь курон-косонзэ. <sup>3</sup>Нырысь ик тодэлэ: берпуметй нунальёсы ас мугорзылэн юрзым кулэ каронъёсызлы сётйськыса улийсь возыттэм мыскылляськисьёс потозы <sup>4</sup>но шуозы: "Солэн сйзиськыса верам лыктонэз кытын? Атайёсмы кулйзы ни, нош дунне кылдыны кутскем дырысен ваньмыз азьло кадъ ик воштйськытэк кыле". <sup>5</sup>Тазы малпасъёс уг тодо кутсконысен ик ин но, музьем но вулэсь вал, Инмарлэн кылыныз соос вулэсь кылдытэмын вал шуыса. <sup>6</sup>Соин ик со вапумысь дунне ву нюртон улэ сюрыса быриз. <sup>7</sup>Нош туалала ин но, музьем но со кылын ик возисько суд нуналысь тыл понна, съöлыкклэсь кышкасьтэмъёсты быдтон понна.

<sup>8</sup>Гажаноосы, тйлесытд та ватйськыса медаз кылы: Кузё-Инмарлэн одйг нуналэз сюрс ар кадъ, нош сюрс арез – одйг нунал кадъ. <sup>9</sup>Сйзиськем кылзэ быдэстыны Кузё-Инмар уг жега, кызыы кудогъёсыз тае жеган шуыса лыдъяло. Нокин но медаз быры, ваньмыз öбкельыса съöлыкъёсызлэсь мед куштйськоз шуыса Со асьмеды кема чидаса возьма. <sup>10</sup>Кузё-Инмарлэн нуналыз уин лушкаськись кадъ лыктоз. Со нуналэ инъёс куашетыса вырзозы; котыр дунне жуаны кутскыса куашкалоз;

музъем но, со вылысь вань ужъёс но жуаса бы-  
розы. <sup>11</sup>Ваньмыз та тазы куашкаса быроно ке,  
макем дун-чылкыт, Инмарлэсь кышкаса, шонер  
улыны кулэ тй, <sup>12</sup>Инмарлэн нуналызлэсь лыктэмзэ  
возьмасьёс, дыртытйсьёс, уго со нуналэ тылын  
гомаса жуась инъёс куашкалозы, котыр дунне тыл  
пушкын ёйжаса сьлмоз! <sup>13</sup>Нош ми, Солэсь сйзем  
кылзэ кабыл басьтыса, выль инъёсыз, выль музье-  
мез витиськомы, кудъёсыз вылын шонерлык улэ.

<sup>14</sup>Озыен, гажаноосы, та нуналэз возьмаськоды  
ке, та дуннеын саптаськытэк, дун-чылкыт куен  
Со азе султон понна тырше. <sup>15</sup>Кузё-Инмармылэсь  
кема чиданзэ утиськон шуыса лыдъялэ, кызы  
асьмелэн гажано Павел братмы но, солы сётйсь-  
кем визьлыкен, тйледлы со сярысь гожтйз. <sup>16</sup>Со  
вань ыстэм гожтэтъёс аз та сярысь вера. Со гож-  
тэтъёсыз пöлын валаны шуг интыосыз но вань.  
Нош валасьтэм, осконын юнмамтэ адямиос, асьсэ-  
лы бырон утчаса, мукет Гожъямъёсты сямен ик,  
соосты сурало-пожало. <sup>17</sup>Нош тй, гажаноосы, азь-  
выл ик тодытэмын вал бере, утиське-чаклаське,  
законлы пумит улйсьёслэн йыромонзы пöлы ме-  
дад пыриське, асьтэлэн юнматскон интыысьтыды  
медад усе. <sup>18</sup>Асьмелэсь Кузё-Инмармес, Утисьмес  
Иисус Христосэз тодыны дэлетты мед йылоз.  
Солы дан туннэ но, пумтэм вапумысь нуналэ но.  
Аминь.

